

ლანჩხუთის მუნიციპალიტეტის საკრებულოს სოციალურ
საკითხთა, განათლების, კულტურისა და
ახალგაზრდულ საქმეთა კომისიის სხდომის
ოქმი № 2

ქ. ლანჩხუთი

20.02.2025 წელი

16:00 საათი

სხდომას უძღვებოდა: ლანჩხუთის მუნიციპალიტეტის საკრებულოს სოციალურ საკითხთა, განათლების, კულტურისა და ახალგაზრდულ საქმეთა კომისიის თავმჯდომარე **კარლო კვიციანიშვილი**.

სხდომას ესწრებოდა კომისიის წევრები: ვერიკო კვიციანიშვილი, ნინო მშვიდლობაძე, დარეჯან ბურჭულაძე, ლოლიტა ურუშაძე, ელისო ჭიჭინაძე, კარლო წილოსანი.

სხდომას აგრეთვე ესწრებოდნენ მოწვეული სტუმრები: ლანჩხუთის მუნიციპალიტეტის მერიის განათლების, კულტურის, ძეგლთა დაცვის, ტურიზმის, სპორტისა და ახალგაზრდულ საქმეთა სამსახურის - კულტურის, განათლების, ძეგლთა დაცვისა და ტურიზმის განყოფილების უფროსი **ია ჩხაიძე**, ლანჩხუთის მუნიციპალიტეტის მერიის ადმინისტრაციული და სამართლებრივი უზრუნველყოფის სამსახურის უფროსი **შოთა ჩაგუნავა**, ა(ა)იპ ლანჩხუთის მუნიციპალიტეტის კულტურის დაწესებულებათა გაერთიანების დირექტორი **გოდერძი ქურიძე**, საკრებულოს აპარატის მესამე რანგის პირველი კატეგორიის უფროსი სპეციალისტი საზოგადოებასთან ურთიერთობის საკითხებში **ლაშა სარჯველაძე**, საკრებულოს აპარატის მეოთხე რანგის პირველი კატეგორიის უმცროსი სპეციალისტი **ნინო ჭანტურიშვილი**.

სხდომის თავმჯდომარემ, კარლო კვიციანიშვილმა სხდომას გააცნო დღის წესრიგის პროექტი:

1. „ლანჩხუთის მუნიციპალიტეტის ტერიტორიაზე ავტომანქანების პარკირების ნორმების - ავტომანქანების პარკირების ადგილების განსაზღვრისა და ავტომანქანების პარკირების წესების დამტკიცების შესახებ“ ლანჩხუთის მუნიციპალიტეტის საკრებულოს 2017 წლის 30 მაისის N14 დადგენილებაში ცვლილების შეტანის თაობაზე“ ლანჩხუთის მუნიციპალიტეტის საკრებულოს დადგენილების პროექტის განხილვა.

/მომხსენებელი კარლო კვიციანიშვილი/

2. „ლანჩხუთის მუნიციპალიტეტის ადმინისტრაციულ საზღვრებში ეკონომიკის რეგულირებად სფეროებად განსაზღვრული რეგულარული სამგზავრო გადაყვანის M2 და M3 კატეგორიების ავტოსატრანსპორტო საშუალებების მარშრუტებზე მგზავრობის ტარიფებისა და შეღავათების დამტკიცების შესახებ“ ლანჩხუთის მუნიციპალიტეტის საკრებულოს 2024 წლის 25 ივნისის N9 დადგენილებაში ცვლილების შეტანის თაობაზე“ ლანჩხუთის მუნიციპალიტეტის საკრებულოს დადგენილების მისაღებად ადმინისტრაციული წარმოების დაწყების შესახებ“ ლანჩხუთის მუნიციპალიტეტის საკრებულოს განკარგულების პროექტის განხილვა.

/მომხსენებელი კარლო კვიციანიშვილი/

3. „ლანჩხუთის მუნიციპალიტეტში ადრეული აღზრდისა და განათლების მომსახურების მიმწოდებელი ან/და სკოლამდელი აღზრდისა და განათლების მომსახურების მიმწოდებელი ან/და მხოლოდ სასკოლო მზაობის პროგრამის განმახორციელებელი დაწესებულების პერსონალის პროფესიული სტანდარტების დამტკიცების შესახებ“ ლანჩხუთის მუნიციპალიტეტის საკრებულოს 2021 წლის 28 აპრილის N13 დადგენილებაში ცვლილების შეტანის შესახებ“ ლანჩხუთის მუნიციპალიტეტის საკრებულოს დადგენილების პროექტის განხილვა.

/მომხსენებელი კარლო კვიციანიშვილი/

4. სხვადასხვა საკითხები.

დღის წესრიგის პროექტის მიმართ კომისიის წევრების მიერ შენიშვნები არ გამოთქმულა.

კომისიის თავმჯდომარემ, კარლო კვიციანიშვილმა კენჭი უყარა დღის წესრიგის პროექტს:

მომხრე 7; წინააღმდეგი არც ერთი.

დღის წესრიგის პირველი საკითხი: „ლანჩხუთის მუნიციპალიტეტის ტერიტორიაზე ავტომანქანების პარკირების ნორმების - ავტომანქანების პარკირების ადგილების განსაზღვრისა და ავტომანქანების პარკირების წესების დამტკიცების შესახებ“ ლანჩხუთის მუნიციპალიტეტის საკრებულოს 2017 წლის 30 მაისის N14 დადგენილებაში ცვლილების შეტანის თაობაზე“ ლანჩხუთის მუნიციპალიტეტის საკრებულოს დადგენილების პროექტი სხდომას წარუდგინა ლანჩხუთის მუნიციპალიტეტის მერიის ადმინისტრაციული და სამართლებრივი უზრუნველყოფის სამსახურის უფროსმა შოთა ჩაგუნავამ და აღნიშნა, რომ „ლანჩხუთის მუნიციპალიტეტის ტერიტორიაზე ავტომანქანების პარკირების მარეგულირებელი ნორმების – ავტომანქანების პარკირების ადგილების განსაზღვრისა და ავტომანქანების პარკირების წესების დამტკიცების შესახებ“ ლანჩხუთის მუნიციპალიტეტის საკრებულოს 2017 წლის 30 მაისის N14 დადგენილებაში (ვებგვერდი, 01/06/2017; სარეგისტრაციო კოდი: 010250050.35.112.016296) შევიდეს შემდეგი სახის ცვლილებები:

1) მე-16 მუხლის პირველი პუნქტი ჩამოყალიბდეს შემდეგი რედაქციით: „1. საცნობი ნიშნის მისაღებად მუნიციპალიტეტის ტერიტორიაზე მცხოვრები შეზღუდული შესაძლებლობის მქონე პირი უფლებამოსილია წერილობითი ფორმით მიმართოს მერიას და მას დაურთოს „სამედიცინო – სოციალური ექსპერტიზისთვის საჭირო ფორმების დამტკიცების შესახებ“ საქართველოს შრომის, ჯანმრთელობისა და სოციალური დაცვის მინისტრის 2007 წლის 27 თებერვლის №64/ნ ბრძანების პირველი პუნქტით დამტკიცებული დანართი №2-ით განსაზღვრული ფორმა №IV-50/2-ის

შესაბამისად გაცემული პირის შეზღუდული შესაძლებლობის დამადასტურებელი ცნობა, რომლის ველშიც „ქმედუნარიანობის შეზღუდვის კატეგორია და ხარისხი“ დადგინდება, რომ შეზღუდული შესაძლებლობის მქონე პირს აქვს გადაადგილების უნარის შეზღუდვის პირველი, მეორე ან მესამე ხარისხი. მერია უფლებამოსილია დამატებით მოითხოვოს გადაწყვეტილების მისაღებად აუცილებელი ნებისმიერი სხვა დოკუმენტი.“

2) მე-16 მუხლის მეორე პუნქტი ჩამოყალიბდეს შემდეგი რედაქციით: „2. საცნობი ნიშნის მისაღებად მუნიციპალიტეტის ტერიტორიაზე მცხოვრები არასრულწლოვანი შეზღუდული შესაძლებლობის მქონე პირის კანონიერი წარმომადგენელი უფლებამოსილია წერილობითი ფორმით მიმართოს მერიას და მას დაურთოს „სამედიცინო სოციალური ექსპერტიზისთვის საჭირო ფორმების დამტკიცების შესახებ“ საქართველოს შრომის, ჯანმრთელობისა და სოციალური დაცვის მინისტრის 2007 წლის 27 თებერვლის №64/ნ ბრძანების პირველი პუნქტით დამტკიცებული დანართი №2-ით განსაზღვრული ფორმა №IV-50/2-ის შესაბამისად გაცემული პირის შეზღუდული შესაძლებლობის დამადასტურებელი ცნობა ან საქართველოს მთავრობის მიერ შექმნილი საჯარო სამართლის იურიდიული პირის – სოციალური მომსახურების სააგენტოს მიერ გაცემული ცნობა სახელმწიფო გასაცემების მიმღებთა სააღრიცხვო ბაზაში რეგისტრირებულ შეზღუდული შესაძლებლობის მქონე პირის სტატუსის შესახებ, დაბადების მოწმობის დედანი ან ნოტარიულად დამოწმებული ქსეროასლი, კანონიერი წარმომადგენლობის დამადასტურებელი დოკუმენტის დედანი ან ნოტარიულად დამოწმებული ქსეროასლი. მერია უფლებამოსილია დამატებით მოითხოვოს გადაწყვეტილების მისაღებად აუცილებელი ნებისმიერი სხვა დოკუმენტი.“

3) მე-16 მუხლის მესამე პუნქტი ჩამოყალიბდეს შემდეგი რედაქციით: „3. საცნობი ნიშნის მისაღებად მუნიციპალიტეტის ტერიტორიაზე მცხოვრები შეზღუდული შესაძლებლობის მქონე პირის მშობელი/კანონიერი წარმომადგენელი უფლებამოსილია წერილობითი ფორმით მიმართოს მერიას და მას დაურთოს „სამედიცინო სოციალური ექსპერტიზისთვის საჭირო ფორმების დამტკიცების შესახებ“ საქართველოს შრომის, ჯანმრთელობისა და სოციალური დაცვის მინისტრის 2007 წლის 27 თებერვლის №64/ნ ბრძანების პირველი პუნქტით დამტკიცებული დანართი №2-ით განსაზღვრული ფორმა №IV- 50/2-ის შესაბამისად გაცემული პირის შეზღუდული შესაძლებლობის დამადასტურებელი ცნობა, რომლის ველშიც „ქმედუნარიანობის შეზღუდვის კატეგორია და ხარისხი“ დადგინდება, რომ შეზღუდული შესაძლებლობის მქონე პირს აქვს გადაადგილების უნარის შეზღუდვის პირველი, მეორე ან მესამე ხარისხი და კანონიერი წარმომადგენლობის დამადასტურებელი დოკუმენტის დედანი ან ნოტარიულად დამოწმებული ქსეროასლი. მერია უფლებამოსილია დამატებით მოითხოვოს გადაწყვეტილების მისაღებად აუცილებელი ნებისმიერი სხვა დოკუმენტი.“

კომისიის თავმჯდომარე კარლო კვიციანიშვილი დაინტერესდა, თუ სად იგეგმება შშმ პირთათვის საპარკინგე ადგილის გამოყოფა, რაზეც შოთა ჩაგუნავამ გააკეთა განმარტება, რომ აღნიშნული რეგულაცია ითვალისწინებს საპარკინგე ტერიტორიებზე გამოიყოს მინიმუმ ერთი ადგილი შშმ პირთათვის, სადაც დაიდგმება საცნობი ნიშანი ან აბრა.

კომისიის წევრების მიერ დადგენილების პროექტთან დაკავშირებით სხვა შენიშვნები და წინადადებები არ გამოთქმულა.

კომისიის თავმჯდომარემ, კარლო კვიციანიშვილმა კენჭი უყარა დადგენილების პროექტს.

მომხრე 7; წინააღმდეგი არც ერთი.

დღის წესრიგის მეორე საკითხი: „ლანჩხუთის მუნიციპალიტეტის ადმინისტრაციულ საზღვრებში ეკონომიკის რეგულირებად სფეროებად განსაზღვრული რეგულარული სამგზავრო გადაყვანის M2 და M3 კატეგორიების ავტოსატრანსპორტო საშუალებების მარშრუტებზე მგზავრობის ტარიფებისა და შეღავათების დამტკიცების შესახებ“ ლანჩხუთის მუნიციპალიტეტის საკრებულოს 2024 წლის 25 ივნისის N9 დადგენილებაში ცვლილების შეტანის თაობაზე“ ლანჩხუთის მუნიციპალიტეტის საკრებულოს დადგენილების მისაღებად ადმინისტრაციული წარმოების დაწყების შესახებ“ ლანჩხუთის მუნიციპალიტეტის საკრებულოს განკარგულების პროექტის შესახებ ისაუბრა ლანჩხუთის მუნიციპალიტეტის მერიის ადმინისტრაციული და სამართლებრივი უზრუნველყოფის სამსახურის უფროსმა შოთა ჩაგუნავამ და აღნიშნა, რომ პროექტის მიხედვით ცვლილება შედის დადგენილების მე-4 მუხლის მე-7 პუნქტში და მუნიციპალიტეტის საზღვრებში არსებული ზოგადსაგანმანათლებლო დაწესებულების 17 წლამდე ასაკის მოსწავლეებს, შეღავათიანი მგზავრობის ბარათის მისაღებად შესაბამისი სტატუსის დამადასტურებელ დოკუმენტთან ერთად აღარ ექნებათ პირადობის დამადასტურებელი დოკუმენტის წარდგენის ვალდებულება. აგრეთვე, მათ შესაბამის ცნობას აძლევს სკოლა, რომლის საფუძველზეც კეთილმოწყობის სამსახური ამ კატეგორიის მოსწავლეებს უმზადებს შეღავათიანი სარგებლობის პლასტიკურ ბარათებს.

კომისიის წევრების მიერ განკარგულების პროექტთან დაკავშირებით შენიშვნები და წინადადებები არ გამოთქმულა.

კომისიის თავმჯდომარემ, კარლო კვიციანიშვილმა კენჭი უყარა განკარგულების პროექტს.

მომხრე 7; წინააღმდეგი არც ერთი.

დღის წესრიგის მესამე საკითხი: „ლანჩხუთის მუნიციპალიტეტში ადრეული აღზრდისა და განათლების მომსახურების მიმწოდებელი ან/და სკოლამდელი აღზრდისა და განათლების მომსახურების მიმწოდებელი ან/და მხოლოდ სასკოლო მზაობის პროგრამის განმახორციელებელი დაწესებულების პერსონალის პროფესიული სტანდარტების დამტკიცების შესახებ“ ლანჩხუთის მუნიციპალიტეტის საკრებულოს 2021 წლის 28 აპრილის N13 დადგენილებაში ცვლილების შეტანის შესახებ“ ლანჩხუთის მუნიციპალიტეტის საკრებულოს დადგენილების პროექტი სხდომას გააცნო ლანჩხუთის მუნიციპალიტეტის მერიის განათლების, კულტურის, ძეგლთა დაცვის, ტურიზმის, სპორტისა და ახალგაზრდულ საქმეთა სამსახურის - კულტურის, განათლების, ძეგლთა დაცვისა და ტურიზმის განყოფილების უფროსმა ია ჩხაიძემ, რომელმაც აღნიშნა, რომ მიმდინარე წლის მარტის თვეში იგეგმება ა(ა)იპ „ლანჩხუთის მუნიციპალიტეტის სკოლამდელი საგანმანათლებლო სააღმზრდელო ცენტრის“ დაქვემდებარებაში არსებული ხუთი ბაგა-ბაღის ავტორიზაციის გავლის

პროცესი. დაწესებული სტანდარტებიდან და ავტორიზაციის პირობებიდან გამომდინარე, საჭიროა აღნიშნული პროცესის დროს დაცული იქნას ასევე ლანჩხუთის მუნიციპალიტეტის საკრებულოს 2021 წლის 28 აპრილის N13 დადგენილებით დამტკიცებული წესი და მისი ერთ-ერთი ძირითადი მოთხოვნა - დაწესებულების პერსონალის პროფესიული სტანდარტი.

მომხსენებელმა, ია ჩხაიძემ აგრეთვე აღნიშნა, რომ „ლანჩხუთის მუნიციპალიტეტში ადრეული აღზრდისა და განათლების მომსახურების მიმწოდებელი ან/და სკოლამდელი აღზრდისა და განათლების მომსახურების მიმწოდებელი ან/და მხოლოდ სასკოლო მზაობის პროგრამის განმახორციელებელი დაწესებულების პერსონალის პროფესიული სტანდარტების დამტკიცების შესახებ“ ლანჩხუთის მუნიციპალიტეტის საკრებულოს 2021 წლის 28 აპრილის N13 დადგენილების (სსმ ვებგვერდი matsne.gov.ge, 05/05/2021 წელი, სარეგისტრაციო კოდი 010250000.35.112.016451) 1-ლი მუხლით დამტკიცებულ დანართში „ლანჩხუთის მუნიციპალიტეტში ადრეული აღზრდისა და განათლების მომსახურების მიმწოდებელი ან/და სკოლამდელი აღზრდისა და განათლების მომსახურების მიმწოდებელი ან/და მხოლოდ სასკოლო მზაობის პროგრამის განმახორციელებელი დაწესებულების პერსონალის პროფესიული სტანდარტების“ შევიდეს ცვლილება, კერძოდ:

1. დანართის 1-ლი მუხლი ჩამოყალიბდეს შემდეგი რედაქციით: „მუხლი 1. პერსონალის პროფესიული სტანდარტის ცნება პერსონალის პროფესიული სტანდარტი (შემდგომში – სტანდარტი) არის პროფესიული ცოდნის და პრაქტიკული უნარების ერთობლიობა, რომელსაც უნდა ფლობდეს ადრეული აღზრდისა და განათლების მომსახურების მიმწოდებელი ან/და სკოლამდელი აღზრდისა და განათლების მომსახურების მიმწოდებელი ან/და მხოლოდ სასკოლო მზაობის პროგრამის განმახორციელებელი საჯარო დაწესებულების (შემდგომში - დაწესებულება) პერსონალი.“

2. დანართის მე-4 მუხლის მე-2 პუნქტის: ა) „თ“ ქვეპუნქტი ჩამოყალიბდეს შემდეგი რედაქციით: „თ) საგანმანათლებლო პერსონალი - პერსონალი, რომელიც უზრუნველყოფს საგანმანათლებლო პროცესის დაგეგმვას, განხორციელებასა და შეფასებას. ამ მიმართულებით ძირითადი პერსონალი არის აღმზრდელი, (შემდგომში-აღმზრდელ პედაგოგი) რომლის პროფესიულ სტანდარტი განისაზღვრება საქართველოს მთავრობის დადგენილებით. ამასთან, საგანმანათლებლო პროცესის საჭიროებიდან გამომდინარე, დაწესებულებაში შესაძლებელია არსებობდეს საგანმანათლებლო პროცესის მხარდამჭერი და ბავშვთა ინკლუზიის მხარდამჭერი პერსონალი;“ ბ) „ი“ ქვეპუნქტი ჩამოყალიბდეს შემდეგი რედაქციით: „ი) საგანმანათლებლო პროცესის მხარდამჭერი პერსონალი - პერსონალი, რომელიც უზრუნველყოფს საგანმანათლებლო პროგრამის ცალკეული მიმართულებების სპეციფიკურ, სიღრმისეულ განხორციელებას ან მთლიანობაში უწევინ დახმარებას საგანმანათლებლო პროცესს (მაგალითად: მუსიკის მასწავლებელი, აღმზრდელის თანაშემწე.);“ გ) „კ“ ქვეპუნქტი ჩამოყალიბდეს შემდეგი რედაქციით: „კ) ბავშვთა ინკლუზიის მხარდამჭერი პერსონალი - პერსონალი, რომელიც უზრუნველყოფს საგანმანათლებლო პროგრამაში ბავშვთა ჩართულობის ხელშეწყობას (მაგ.: სპეციალური პედაგოგი, ენისა და მეტყველების თერაპევტი, ფსიქოლოგი, და ა.შ.); „ დ) „პ“ ქვეპუნქტი ჩამოყალიბდეს შემდეგი რედაქციით: „პ) მატერიალური რესურსის გამართულობაზე პასუხისმგებელი პერსონალი - პერსონალი, რომელიც უზრუნველყოფს დაწესებულებაში არსებული ტექნიკისა და ტექნოლოგიების გამართულად ფუნქციონირებას“ ე) „ს“ ქვეპუნქტის შემდეგ დაემატოს შემდეგი

შინაარსის „ტ“ ქვეპუნქტი: „ტ) თემი - ერთ ტერიტორიაზე დასახლებულ ადამიანთა ერთობა, რომელთაც საერთო ინტერესები და იდენტიფიკაცია გააჩნიათ;“

3. დანართის მე-5 მუხლის 1.2-ის პუნქტის: ა) „ა“ ქვეპუნქტი ჩამოყალიბდეს შემდეგი რედაქციით: „ა) აღმზრდელი (შემდგომში აღმზრდელ-პედაგოგი);“ ბ) „ბ“ ქვეპუნქტი ჩამოყალიბდეს შემდეგი რედაქციით: „ბ) საგანმანათლებლო პროცესის მხარდამჭერი პერსონალი (აღმზრდელის თანამემწე და მუსიკის მასწავლებელი);“

4. დანართის მე-6 მუხლის: ა) 1-ლი პუნქტის „ბ“ ქვეპუნქტი ჩამოყალიბდეს შემდეგი რედაქციით: „ბ) არანაკლებ 1 წლიანი გამოცდილება ადრეული და სკოლამდელი განათლების ან ადრეული ინტერვენციის სფეროში.“ ბ) მე-3 პუნქტი ჩამოყალიბდეს შემდეგი რედაქციით: „3. საგანმანათლებლო პროცესის მართვაზე პასუხისმგებელ პერსონალს უნდა შეეძლოს: ა) დაწესებულებაში საგანმანათლებლო პროცესის ორგანიზება-დაგეგმვა, წარმართვა, შეფასება; ბ) გუნდური მუშაობა; გ) ზრდასრულთა სწავლების მრავალფეროვანი მეთოდების პრაქტიკაში გამოყენება; დ) ბავშვების მცირე და დიდ ჯგუფებთან მუშაობა; ე) კომუნიკაციის ალტერნატიული ფორმების გამოყენება; ვ) თანამედროვე ტექნიკური საშუალებების და ხელსაწყოების გამოყენება; ზ) დარგში არსებული სიახლეების მოძიება, გაცნობა და გაზიარება; თ) დაწესებულებაში გამოყენებული კურიკულუმის გამოყენება და შეფასება; ი) ადამიანური რესურსის მართვა.“

5. დანართის მე-7 მუხლის მე-3 პუნქტის „გ“ ქვეპუნქტი ჩამოყალიბდეს შემდეგი რედაქციით: „გ) დაწესებულების მისიისა და მიზნების განსაზღვრა დაწესებულების სხვა პერსონალთან თანამშრომლობის გზით;“

6. დანართის მე-9 მუხლი ჩამოყალიბდეს შემდეგი რედაქციით: „ადამიანური რესურსების მართვაზე პასუხისმგებელი პერსონალის პროფესიული სტანდარტები 1. ადამიანური რესურსების მართვაზე პასუხისმგებელი პერსონალის საკვალიფიკაციო მოთხოვნებია - უმაღლესი აკადემიური ან პროფესიული განათლება ადამიანური რესურსების მართვის ან მენეჯმენტის დარგში; 2. ადამიანური რესურსების მართვაზე პასუხისმგებელმა პერსონალმა უნდა იცოდეს: ა) ადამიანური რესურსის მართვის პრინციპები; ბ) თანამშრომელთა მოტივაციის ფორმები; გ) თანამშრომლური და გუნდური სამუშაო გარემოს შექმნის პრინციპები; დ) „ადრეული და სკოლამდელი აღზრდისა და განათლების შესახებ“ საქართველოს კანონი; ე) საქართველოს ორგანული კანონი „საქართველოს შრომის კოდექსი“; ვ) დაწესებულების თანამშრომლების სამსახურებრივი მოვალეობები; ზ) კომპიუტერისა და მისი ძირითადი პროგრამების მოხმარება; თ) აღმზრდელ-პედაგოგის პროფესიული სტანდარტი, პერსონალის პროფესიული სტანდარტი. 3. ადამიანური რესურსების მართვაზე პასუხისმგებელ პერსონალს უნდა შეეძლოს: ა) თანამშრომელთა მოტივაციაზე ზრუნვა; ბ) თანამშრომელთა საჭიროებების დადგენა; გ) საკადრო ცვლილებების განხორციელება; დ) თანამშრომელთა პროფესიული განვითარების ხელშეწყობა; ე) პერსონალისა და ბავშვების პირადი საქმეების წარმოება; ვ) პერსონალის სამსახურებრივი მოვალეობების დადგენა.“

7. დანართის მე-10 მუხლი ჩამოყალიბდეს შემდეგი რედაქციით: „აღმზრდელ-პედაგოგის პროფესიული სტანდარტები აღმზრდელ-პედაგოგის პროფესიული სტანდარტი, შემდგომში ლანჩხუთის მუნიციპალიტეტის მიერ, განისაზღვრება საქართველოს მთავრობის დადგენილების შესაბამისად.“

8. დანართის მე-11 მუხლის 1-ლი პუნქტი ჩამოყალიბდეს შემდეგი რედაქციით: „1. საგანმანათლებლო პროცესის მხარდამჭერი პერსონალის (აღმზრდელი, აღმზრდელის თანაშემწე, მუსიკის მასწავლებელი) საკვალიფიკაციო მოთხოვნები: ა) უმაღლესი ან პროფესიული განათლება - განათლების მეცნიერებების, მასწავლებლის განათლების ან სხვა მონათესავე მეცნიერებების დარგში. ბ) ადრეული და სკოლამდელი ასაკის ბავშვებთან მუშაობის არანაკლებ 1 წლის გამოცდილება.“

9. დანართის მე-13 მუხლის 1-ლი პუნქტი ჩამოყალიბდეს შემდეგი რედაქციით: „1. ჯანმრთელობის დაცვის პერსონალის საკვალიფიკაციო მოთხოვნაა - უმაღლესი აკადემიური ან პროფესიული განათლება სამედიცინო დარგში;“

10. დანართის მე-15 მუხლის მე-2 პუნქტი ჩამოყალიბდეს შემდეგი რედაქციით: „2. კვების უზრუნველყოფაზე პასუხისმგებელმა პერსონალმა უნდა იცოდეს: ა) სამზარეულოს ჰიგიენის ნორმები; ბ) ჯანსაღი კვების ნორმები; გ) ბავშვთა სწორი კვების რაციონი; დ) ნედლეულის გახარჯვის ნორმები; ე) პროდუქტების შენახვის წესები და ვადები; ვ) ბავშვთა საკვების მომზადების ძირითადი წესები, პროდუქტის კალორაჟი და კვებითი ღირებულებები, საკვებში ვიტამინების დაცვის ტექნოლოგიები. ზ) კვების ტექნიკური რეგლამენტი.“

11. დანართის მე-18 მუხლის 1-ლი პუნქტი ჩამოყალიბდეს შემდეგი რედაქციით: „1. უსაფრთხოებაზე პასუხისმგებელი პერსონალის საკვალიფიკაციო მოთხოვნაა - პროფესიული და არანაკლებ სრული ზოგადი განათლება;“

12. დანართს დაემატო შემდეგი შინაარსის 24-ე მუხლი: გარდამავალი დებულება პერსონალის კვალიფიკაციის და გამოცდილების მიმართ ამ დადგენილებით გათვალისწინებული მოთხოვნები დაკმაყოფილებულად ჩაეთვალოთ პირებს, რომლებიც ამ დადგენილების ამოქმედების მომენტში მუშაობდა დადებული ხელშეკრულებით გათვალისწინებულ პოზიციაზე.“

მომხსენებელმა **ია ჩხაიძემ** ასევე აღნიშნა, რომ 5 ბაღს უნდა გაეწეო ავტორიზაცია, მაგრამ ამ ეტაპისთვის ვერ ესწრება ორი ბაღის - ნიგვზიანისა და შუხუთის ბაღების ავტორიზაცია, რადგან კიდევ არის გარკვეული სამუშაოები შესასრულებელი და შესაბამისად ქალაქ ლანჩხუთის, აცანისა და სუფსის ბაღები მიდის ავტორიზაციაზე. მისი თქმით, მუნიციპალიტეტში არსებული ყველა ბაღი უნდა მოვიდეს სტანდარტის შესაბამისობაში და ეს პროცესი დასრულდება 2028 წელს. ამ მხრივ მუნიციპალიტეტი ერთ-ერთი გამორჩეულია, რადგან ძალიან დიდი სამუშაო იქნა გაწეული, რაც იძლევა იმის თქმის საშუალებას, რომ ამ გამოწვევას მუნიციპალიტეტი ღირსეულად გაართმევს თავს. **ია ჩხაიძემ** აგრეთვე ისაუბრა იმის შესახებ, რომ ბაღებში სულ არის 3 მოცემულობა, სადაც პირველი საფეხურია ბაგა-ბაღი, შემდეგი არის სკოლამდელი - 2 დან 5 წლამდე ასაკის ბავშვების ჯგუფი და აგრეთვე არის მზაობის ჯგუფი, რომელიც გაკეთდა მესამე საჯარო სკოლაში, სადაც ჯერ-ჯერობით არის მხოლოდ 8 ბავშვი და სამომავლოდ კიდევ უფრო გაიზრდება მათი რაოდენობა.

კომისიის წევრმა **დარეჯან ბურჭულაძემ** აღნიშნა, რომ ლანჩხუთის მუნიციპალიტეტში სულ არის 56 აღმზრდელი, რომლებსაც შემდეგ მიენიჭებათ აღმზრდელ-პედაგოგის სტატუსი და მისი სურვილია, სტატუსის მინიჭების შემდეგ პედაგოგების ანაზღაურება გაიზარდოს დაახლოებით 50 ლარის ოდენობით. ასევე, მისი მოსაზრებაა, რომ დასაქმებულ სამედიცინო პერსონალს ჰქონდეს მინიმუმ 6 თვიანი სამუშაო გამოცდილება. აგრეთვე, მისი აზრით აუცილებელია უსაფრთხოების დაცვის პერსონალი ამ ეტაპისთვის დაემატოს მხოლოდ იმ ბაღებში, რომლებიც გადის

ავტორიზაციას და შემდეგ ეტაპობრივად მოხდეს ყველა ბაღში დამატება, ხოლო იმ შემთხვევაში, თუ მოხდება აღნიშნული ფუნქციის შეთავსება სხვა პოზიციაზე დასაქმებული პირისთვის, შესაბამისად მოხდეს მათი უზრუნველყოფა თანხით.

კომისიის წევრების მიერ დადგენილების პროექტთან დაკავშირებით გამოითქვა შენიშვნები და წინადადებები.

კომისიის თავმჯდომარემ, კარლო კვიციანიშვილმა კენჭი უყარა დადგენილების პროექტს.

მომხრე 7; წინააღმდეგი არც ერთი.

სხვადასხვა საკითხები.

ა(ა)იპ ლანჩხუთის მუნიციპალიტეტის კულტურის დაწესებულებათა გაერთიანების დირექტორმა **გოდერძი ქურიძემ** ისაუბრა თეატრში არსებულ სიტუაციაზე და აღნიშნა, რომ ჩამოსული იყო წარმომადგენელი რეგიონული განვითარების ფონდიდან და ინფრასტრუქტურის სამინისტროდან, მოხდა სიტუაციის შეფასება, მზად არის ტექნიკური ნახაზი და ყველა საჭირო საბუთი. მისი აზრით, მიმდინარე წლის გაზაფხულზე დაიწყება თეატრის რესტავრაცია.

კომისიის თავმჯდომარე **კარლო კვიციანიშვილი** დაინტერესდა, ეზოში არსებულ საპირფარეშოს რა ბედი ეწევა, რაზეც **გოდერძი ქურიძემ** განმარტა, რომ აღნიშნული საპირფარეშო დაინგრევა. მისი სურვილია მოეწყოს ადაპტირებული საპირფარეშო, რაც საკმაოდ დიდ თანხებთანაა დაკავშირებული და ამ ეტაპისთვის შესაბამისი თანხა არ გააჩნია, თუმცა პროექტზე მუშაობა უკვე დაწყებულია.

კომისიის წევრმა **დარეჯან ბურჭულაძემ** ისაუბრა იმის შესახებ, რომ ძალიან მოხარულია იმით, რომ მუნიციპალიტეტში ძალიან ბევრი სასიკეთო საქმე კეთდება და იმედოვნებს, რომ კიდევ ბევრი კარგი საქმე გაკეთდება. ის დაინტერესდა სუფსის საცეკვაო დარბაზში გარემონტდა თუ არა ჩავარდნილი იატაკი, აც საფრთხის შემცველია ბავშვებისთვის. **გოდერძი ქურიძემ** გააკეთა განმარტება, რომ იქ არსებული ქორეოგრაფიული სტუდია არის კერძო და გარკვეული ვადით გათავისუფლებულია იჯარის გადასახადისგან. იატაკს რაც შეეხება, არის მთლიანად გამოსაცვლელი და ჩასატარებელია კაპიტალური სამუშაოები.

დარეჯან ბურჭულაძემ ასევე აღნიშნა, რომ მხარეთმცოდნეობის მუზეუმი არ ჯდება თანამედროვე სტანდარტებში და დაინტერესდა თუ რა ხდება ამ მხრივ, რაზეც **გოდერძი ქურიძემ** განმარტა, რომ მას ააქვს სამხარაულის დასკვნა, სადაც წერია, რომ შენობა საჭიროებს უფრო სიღრმისეულ კვლევას, რადგან საძირკველი არის დაზიანებული და მისი აზრით შენობის რეაბილიტაციას აზრი არა აქვს. ასევე, მისი სურვილია მხარეთმცოდნეობის მუზეუმს ეწოდოს ისტორიული მუზეუმი.

კომისიის თავმჯდომარე **კარლო კვიციანი** დაინტერესდა, მოხდება თუ არა ქალაქ ლანჩხუთში არსებული მუზეუმების გაერთიანება. **გოდერძი ქურიძემ** აღნიშნა, რომ არის საუბარი იმასთან დაკავშირებით, რომ ოთხი მუზეუმი - ვალოდია წულაძის სახელობის მუზეუმი, თემურ ფირცხალაიშვილის სახელობის მუზეუმი, სპორტისა და მხარეთმცოდნეობის მუზეუმები მოექცეს ერთ სივრცეში. ასევე, მისი აზრით, თემურ ფირცხალაიშვილის სახელობის მუზეუმს უნდა ჩამოერთვას მუზეუმის სტატუსი და ეწოდოს ლიტერატურული სალონი.

გოდერძი ქურიძემ ასევე ისაუბრა ბიბლიოთეკებში არსებულ მდგომარეობაზე და აღნიშნა, რომ ზონაში ერთი ბიბლიოთეკა სრულიად საკმარისია, რადგან მუნიციპალიტეტში სულ არის 16 ადმინისტრაციული ერთეული, ხოლო ბიბლიოთეკა არის 18 და აუცილებელია შემცირდეს მათი რაოდენობა. მან აგრეთვე აღნიშნა, რომ ბიბლიოთეკა უნდა პასუხობდეს თანამედროვე სტანდარტებს და უნდა მუშაობდეს გრანტებზე და საკუთარ თავს თავისით ირჩენდეს, რომლის მაგალითი არის აცანისა და ჩოჩხათის ბიბლიოთეკები.

კომისიის თავმჯდომარემ **კარლო კვიციანი** აღნიშნა, რომ მისი აზრით აუცილებელია დაიდგას ღირსეული ადამიანების ბიუსტები. კერძოდ, ვალოდია წულაძის, ვასილ ჩხაიძისა და ვალოდია გოგუაძის ბიუსტები, რაც აუცილებელია მათი სახელის უკვდავსაყოფად. **გოდერძი ქურიძემ** აღნიშნა, რომ ვალოდია წულაძის ბიუსტი დამზადებული აქვს თამაზ ჩხაიძეს და შესაძლებელია შექმნას.

კარლო კვიციანი ასევე დაინტერესდა იგეგმება თუ არა ახალი სპექტაკლის დადგმა, რაზეც **გოდერძი ქურიძემ** გააკეთა განმარტება და აღნიშნა, რომ გაზაფხულზე გეგმავს ახალ სპექტაკლზე მუშაობის დაწყებას. მან ასევე აღნიშნა, რომ იწყება კასტინგი ანსამბლ „მხედრების“ ჯგუფის შესავსებად, რომლის ქორეოგრაფები იქნებიან ბაჩი ხუბუნაიშვილი და გურამ ურუშაძე. ასევე, მარტის თვიდან კულტურის დაწესებულებათა გაერთიანებაში არსებულ ყველა წრეში დაკავებულ ბავშვებს ექნებათ მიზერული თანხა გადასახდელი, რაც მათვე მოხმარდებათ და ბევრ რამეს დააბალანსებს. შეღავათები შეეხებათ დედამამიშვილებს, ხოლო სოციალურად დაუცველები სრულად გათავისუფლდებიან გადასახადისაგან.

კომისიის წევრმა **დარეჯან ბურჭულაძემ** აღნიშნა, რომ პრემიერ მინისტრის გადაწყვეტილებით მუნიციპალიტეტის მიერ დაფუძნებულ ა(ა)იპ - ებშიც მოხდა იგივე ოდენობით ხელფასების ზრდა, რაც ბაღებში, რაც ნამდვილად კარგია. თუმცა, აღნიშნული მატება არ ეხება მუნიციპალიტეტის მიერ დაფუძნებულ შპს - ებს. მისი თხოვნაა, კარგი იქნება, თუ გაითვალისწინებენ იქ დასაქმებული ადამიანების სურვილს და მათაც შეეხებათ სახელფასო მატება.

ამით კომისიის სხდომამ მუშაობა დაასრულა.

ლანჩხუთის მუნიციპალიტეტის საკრებულოს

სოციალურ საკითხთა, განათლების, კულტურისა

და ახალგაზრდულ საქმეთა კომისიის თავმჯდომარე:



/კარლო კვიციანი/

**ლანჩხუთის მუნიციპალიტეტის საკრებულო
სოციალურ საკითხთა, განათლების, კულტურისა და
ახალგაზრდულ საქმეთა კომისია**

2800 ლანჩხუთი, კოსტავას 37 0 494 22 30 19

**ლანჩხუთის მუნიციპალიტეტის საკრებულოს სოციალურ საკითხთა,
განათლების, კულტურისა
და ახალგაზრდულ საქმეთა კომისიის №2 სხდომის
დასკვნა**

ქ. ლანჩხუთი

20.02.2025 წ.

2025 წლის 20 თებერვალს მოწვეულ იქნა ლანჩხუთის მუნიციპალიტეტის საკრებულოს სოციალურ საკითხთა, განათლების, კულტურისა და ახალგაზრდულ საქმეთა კომისიის სხდომა.

სხდომამ განიხილა დღის წესრიგით გათვალისწინებული შემდეგი საკითხები:

1. „ლანჩხუთის მუნიციპალიტეტის ტერიტორიაზე ავტომანქანების პარკირების ნორმების - ავტომანქანების პარკირების ადგილების განსაზღვრისა და ავტომანქანების პარკირების წესების დამტკიცების შესახებ“ ლანჩხუთის მუნიციპალიტეტის საკრებულოს 2017 წლის 30 მაისის N14 დადგენილებაში ცვლილების შეტანის თაობაზე“ ლანჩხუთის მუნიციპალიტეტის საკრებულოს დადგენილების პროექტის განხილვა.

/მომხსენებელი კარლო კვიციანიშვილი/

2. „ლანჩხუთის მუნიციპალიტეტის ადმინისტრაციულ საზღვრებში ეკონომიკის რეგულირებად სფეროებად განსაზღვრული რეგულარული სამგზავრო გადაყვანის M2 და M3 კატეგორიების ავტოსატრანსპორტო საშუალებების მარშრუტებზე მგზავრობის ტარიფებისა და შეღავათების დამტკიცების შესახებ“ ლანჩხუთის მუნიციპალიტეტის საკრებულოს 2024 წლის 25 ივნისის N9 დადგენილებაში ცვლილების შეტანის თაობაზე“ ლანჩხუთის მუნიციპალიტეტის საკრებულოს დადგენილების მისაღებად ადმინისტრაციული წარმოების დაწყების შესახებ“ ლანჩხუთის მუნიციპალიტეტის საკრებულოს განკარგულების პროექტის განხილვა.

/მომხსენებელი კარლო კვიციანიშვილი/

3. „ლანჩხუთის მუნიციპალიტეტში ადრეული აღზრდისა და განათლების მომსახურების მიმწოდებელი ან/და სკოლამდელი აღზრდისა და განათლების მომსახურების მიმწოდებელი ან/და მხოლოდ სასკოლო მზაობის პროგრამის განმახორციელებელი დაწესებულების პერსონალის პროფესიული სტანდარტების დამტკიცების შესახებ“ ლანჩხუთის მუნიციპალიტეტის

საკრებულოს 2021 წლის 28 აპრილის N13 დადგენილებაში ცვლილების შეტანის შესახებ“ ლანჩხუთის მუნიციპალიტეტის საკრებულოს დადგენილების პროექტის განხილვა.

/მომხსენებელი კარლო კვიციანიშვილი/

კომისიამ მიიღო გადაწყვეტილება:

დღის წესრიგის პირველი საკითხი: „ლანჩხუთის მუნიციპალიტეტის ტერიტორიაზე ავტომანქანების პარკირების ნორმების - ავტომანქანების პარკირების ადგილების განსაზღვრისა და ავტომანქანების პარკირების წესების დამტკიცების შესახებ“ ლანჩხუთის მუნიციპალიტეტის საკრებულოს 2017 წლის 30 მაისის N14 დადგენილებაში ცვლილების შეტანის თაობაზე“ ლანჩხუთის მუნიციპალიტეტის საკრებულოს დადგენილების პროექტი მიღებული იქნა შენიშვნების გარეშე.

მომხრე 7; წინააღმდეგი არც ერთი.

დღის წესრიგის მეორე საკითხი: „ლანჩხუთის მუნიციპალიტეტის ადმინისტრაციულ საზღვრებში ეკონომიკის რეგულირებად სფეროებად განსაზღვრული რეგულარული სამგზავრო გადაყვანის M2 და M3 კატეგორიების ავტოსატრანსპორტო საშუალებების მარშრუტებზე მგზავრობის ტარიფებისა და შეღავათების დამტკიცების შესახებ“ ლანჩხუთის მუნიციპალიტეტის საკრებულოს 2024 წლის 25 ივნისის N9 დადგენილებაში ცვლილების შეტანის თაობაზე“ ლანჩხუთის მუნიციპალიტეტის საკრებულოს დადგენილების მისაღებად ადმინისტრაციული წარმოების დაწყების შესახებ“ ლანჩხუთის მუნიციპალიტეტის საკრებულოს განკარგულების პროექტი მიღებული იქნა შენიშვნების გარეშე.

მომხრე 7; წინააღმდეგი არც ერთი.

დღის წესრიგის მესამე საკითხი: „ლანჩხუთის მუნიციპალიტეტში ადრეული აღზრდისა და განათლების მომსახურების მიმწოდებელი ან/და სკოლამდელი აღზრდისა და განათლების მომსახურების მიმწოდებელი ან/და მხოლოდ სასკოლო მზაობის პროგრამის განმხორციელებელი დაწესებულების პერსონალის პროფესიული სტანდარტების დამტკიცების შესახებ“ ლანჩხუთის მუნიციპალიტეტის საკრებულოს 2021 წლის 28 აპრილის N13 დადგენილებაში ცვლილების შეტანის შესახებ“ ლანჩხუთის მუნიციპალიტეტის საკრებულოს დადგენილების პროექტი მიღებული იქნა შენიშვნების გათვალისწინებით.

მომხრე 7; წინააღმდეგი არც ერთი.

ლანჩხუთის მუნიციპალიტეტის საკრებულოს
სოციალურ საკითხთა, განათლების, კულტურისა
და ახალგაზრდულ საქმეთა კომისიის თავმჯდომარე:












/კარლო კვიციანიშვილი/

ლანჩხუთის მუნიციპალიტეტის საკრებულოს სოციალურ საკითხთა,
განათლების, კულტურისა და ახალგაზრდულ საქმეთა კომისიის წევრები

სარეგისტრაციო ფურცელი

20.02.2025 წელი
16:00 საათი

1. კარლო კვიციანი	15:55	
2. ნინო მშვიდლობაძე	16:00	
3. დარეჯან ბურჭულაძე	15:59	
4. ლოლიტა ურუშაძე	16:00	
5. კარლო წილოსანი	15:56	
6. მაკა მშვიდლობაძე	ძი ესნიეზოძე	
7. გოჩა ჯანაშია	ძი ესნიეზოძე	
8. რევაზ კვერენჩილაძე	ძი ესნიეზოძე	
9. ელისო ჭიჭინაძე	15	
10. ვერიკო კვიციანი	15:59	